



Broj:

Datum: 29.07.2024. godine

Na osnovu člana 68., stav (1) i (2) Zakona o vodama („Službene novine Federacije BiH“, broj: 70/06), člana 40. stav (1) i (2) Zakona o vodama Zeničko dobojskog kantona („Službene novine Zeničko-dobojskog kantona, broj 17/2007), a u vezi sa članom 13. Pravilnika o načinu utvrđivanja uslova za određivanje zona sanitarne zaštite i zaštitnih mjera za izvorišta vode za javno vodosnabdijevanje stanovništva („Službene novine Federacije BiH“, br. 88/12), i člana 10. Privremene Statutarne Odluke Grada Zavidovići („Službeni glasnik Općine Zavidovići“, broj: 4/2022), Gradsko vijeće Zavidovići na \_\_. sjednici, održanoj \_\_. \_\_. 2024. godine donijelo je

**ODLUKU**  
**O ZAŠTITI IZVORIŠTA "IZRON" I OTVORENOG VODOZAHVATA**  
**"TAJAŠNICA"**

**DIO I. OPĆE ODREDBE**

**Član 1.**

(Predmet Odluke)

(1) Ovom Odlukom utvrđuju se veličina i granice zona sanitarne zaštite, mjere zaštite, zabrane i ograničenja, monitoring kvaliteta i kvantiteta vode na izvorištu, izvori i način finansiranja zaštitnih mjera za planski period od najmanje 10 godina, nadzor nad provođenjem ove Odluke i kaznene odredbe za povredu odredaba ove Odluke.

**Član 2.**

(Cilj donošenja Odluke)

(2) Ova odluka donosi se u cilju zaštite pitkih podzemnih i površinskih voda koje se koriste za potrebe vodosnabdijevanja grada Zavidovići od svih vidova zagađenja i štetnih uticaja koji mogu nepovoljno djelovati na zdravstvenu ispravnost vode za piće ili na izdašnost izvorišta.

**Član 3.**

(Eksploatacija vode)

Odredbes Odluke o zonama sanitarne zaštite i zaštitnim mjerama kaptiranog vrela „Izron“ i otvorenog vodozahvata „Tajašnica“ (u daljem tekstu: Odluka) odnose se na izvorište „Izron“ i vodozahvat „Tajašnica“ iz kojih se vrši eksploatacija vode za potrebe vodosnabdijevanja stanovništva Grada Zavidovići.

**DIO II. ZAŠTITNO PODRUČJE**

**Član 4.**

(Uspostavljanje zona sanitarne zaštite)

(1) Zone sanitarne zaštite izvorišta „Izron“ utvrđene su u skladu sa članom 7. Pravilnika o načinu utvrđivanja uslova za određivanje zona sanitarne zaštite i zaštitnih mjera za izvorišta vode za javno vodosnabdijevanje stanovništva (u daljem tekstu Pravilnik), („Službene

novine Federacije BiH", br. 88/12) koja se odnose na određivanje granica zona sanitarne zaštite izvorišta vode u kraškim akviferima.

(2) Zone sanitarne zaštite izvorišta „Tajašnica“ utvrđene su u skladu sa članom 8. Pravilnika, koji se odnosi na određivanje granica zona sanitarne zaštite izvorišta sa zahvatom vode iz otvorenih vodotoka.

(3) Prema stepenu opasnosti od zagađenja i drugih štetnih uticaja koji mogu nepovoljno djelovati na zdravstvenu ispravnost vode ili na izdašnost izvorišta „Izron“, uspostavljaju se četiri zaštitne zone:

- Prva (I) zaštitna zona - zona sa najstrožijim zabranama o ograničenjima;
- Druga (II) zaštitna zona - zona sa strogim zabranama o ograničenjima;
- Treća (III) zaštitna zona - zona sa umjerenim zabranama o ograničenjima;
- Četvrta (IV) zaštitna zona - zona sa preventivnim zabranama o ograničenjima;

(4) Prema stepenu opasnosti od zagađenja i drugih štetnih uticaja koji mogu nepovoljno djelovati na zdravstvenu ispravnost vode ili na izdašnost otvorenog vodozahvata Tajašnica, uspostavljaju se dvije zaštitne zone:

- Prva (I) zaštitna zona - zona sa najstrožijim zabranama o ograničenjima;
- Druga (II) zaštitna zona - zona sa strogim zabranama o ograničenjima;

(5) Zaštitne zone izvorišta „Izron“ i „Tajašnica“ prikazane su na karti razmjere 1:25.000 (prilog 5 Elaborata o zaštiti), dok su prve zaštitne zone prikazane detaljno na Google Earth podlozi u poglavlju 9.1. Elaborata o zaštiti.

(6) U zonama iz stava (3) i (4) ovog člana primjenjuju se sanitarno - tehničke mjere i druge djelatnosti na način utvrđen ovom Odlukom.

### DIO III. OBUHVAT I GRANICE ZAŠTITNIH ZONA IZVORIŠTA

#### Član 5.

##### (Granice I zaštitne zone izvorišta „Izron“)

(1) I zaštitna zona obuhvata prostor u neposrednoj zoni izvorišta „Izron“ i pripadajućih 16 ponora na kojima se vrši direktna infiltracija površinskih i oborinskih voda i brzo oticanje ka vrelu "Izron".

(2) Ukupna površina I zaštitne zone iznosi  $P = 54.570 \text{ m}^2$ .

(3) Unutar I zaštitne zone situirani su: vrelo "Izron" sa vodozahvatnim objektom (kaptažom i prelivom), dio toka rijeke Suhe, kao i kraški objekti u slivu vrela (ponori, jame i pećine) sa kojih se vrši njegovo direktno prihranjivanje.

(4) I zaštitna zona izvorišta "Izron" i pripadajućih ponora predstavlja zonu sa najstrožijim zabranama i ograničenjima, što je propisano ovom Odlukom.

(5) Situacioni prikaz I zaštitne zone je dat na topografskoj karti 1:25.000 (prilog 5 Elaborata o zaštiti) i na geodetskoj podlozi u razmjeri 1:2.500 (prilozi 6.1 – 6.12 Elaborata o zaštiti).

(6) Zemljište I zaštitne zone kraškog izvorišta "Izron" se nalazi na dijelovima parcela u KO Mitrovići (dio k.č. br. 1040, 1040/1, 1079 i 1106) i KO Kamenica (dio k.č. br. 195, 235, 237 i 282), grad Zavidovići.

## Član 6.

### (Granice I zaštitne zone vodozahvata „Tajašnica“)

- (1) Područje I zaštitne zone izvorišta obuhvata prostor oko vodozahvatnog objekta i njegovog zaleđa, kojim se vodozahvatni objekat štiti od slučajnog ili namjernog zagađenja ili oštećenja.
- (2) Granice prve zaštitne zone vodozahvata "Tajašnica" određene su u skladu sa članom 8. Pravilnika. Prva zaštitna zona otvorenog vodozahvata Tajašnica obuhvata prostor oko vodozahvatnog objekta, ne manji od 25 metara od vanjskih kontura vodozahvatnog područja. Ista se označava: adekvatnim plutačama/plovcima na vodotoku; ogradom ne nižom od dva (2) m na obalama vodotoka.
- (3) Zemljište I zaštitne zone otvorenog vodozahvata "Tajašnica" se nalazi na dijelovima parcela u KO Kamenica (dio k.č. br. 203 i 235), grad Zavidovići.
- (4) Površina prve zaštitne zone otvorenog vodozahvata Tajašnica je  $P = 9673 \text{ m}^2$ .
- (5) Situacioni prikaz I zaštitne zone je dat na topografskoj karti 1:25.000 (prilog 5 Elaborata o zaštiti) i na geodetskoj podlozi u razmjeri 1:2.500 (prilog 6.13 Elaborata o zaštiti).

## Član 7.

### (Granice II zaštitne zone izvorišta „Izron“)

- (1) Područje II zaštitne zone izvorišta „Izron“ obuhvata prostor od vanjske granice prve zaštitne zone, do linije od koje je podzemnoj vodi potrebno najmanje 1 dan do ulaska u vodozahvatni objekat (u skladu sa članom 7. stav 6. Pravilnika).
- (2) Za proračun položaja vanjske granice II zaštitne zone korišten je literaturni podatak o brzini tečenja podzemnih voda od  $v = 1200 \text{ m/dan}$ , koja je utvrđena trasiranjem podzemnih voda.
- (3) Ukupna površina II zaštitne zone iznosi  $P = 4 \text{ km}^2$ . II zaštitna zona je prostorno kontinuirana sa I zaštitnom zonom, a iz njenog obuhvata su isključene I zaštitne zone izvorišta "Izron" (tabela 1) i sljedećih ponora: "Ponor u Suhoj" (tabela 2), "Ponor Ozbiljna rupa" (tabela 3) i "Ponor Sjenokos" (tabela 4).
- (4) II zaštitna zona izvorišta "Izron" predstavlja zonu sa strogim zabranama i ograničenjima, što je propisano ovom Odlukom.
- (5) Situacioni prikaz II zaštitne zone je dat na topografskoj karti 1:25.000 (prilog 5 Elaborata o zaštiti).
- (6) Zemljište II zaštitne zone kraškog izvorišta "Izron" se nalazi na parcelama u KO Mitrovići (k.č. br. 1041, 1053 i dio k.č. br. 1040/1, 1054) i KO Kamenica (dio k.č. br.198, 199, 235, 282), grad Zavidovići.

## Član 8.

### (Granice II zaštitne zone vodozahvata „Tajašnica“)

- (1) Područje II zaštitne zone vodozahvata Tajašnica, obuhvata prostor od vanjske granice I zaštitne zone do vanjske granice II zaštitne zone.
- (2) Granica druge zaštitne zone vodozahvata Tajašnica, određena je u skladu sa članom 8. Pravilnika, a obuhvata cijeli sliv rijeke Tajašnice do tirolskog zahvata.
- (3) Ukupna površina II zaštitne zone vodozahvata Tajašnica iznosi  $P = 7 \text{ km}^2$ . II zaštitna zona predstavlja zonu sa strogim zabranama i ograničenjima.

- (4) Zemljište II zaštitne zone otvorenog vodozahvata "Tajašnica" se nalazi na dijelovima parcela u KO Kamenica (dio k.č. br. 203 i 235), Grad Zavidovići.
- (5) Situacioni prikaz II zaštitne zone je dat na topografskoj karti 1:25.000 (prilog 5 Elaborata o zaštiti).

#### Član 9.

(Granice III zaštitne zone izvorišta „Izron“)

- (1) Područje III zaštitne zone izvorišta „Izron“ obuhvata prostor od vanjske granice II zaštitne zone, do linije od koje je podzemnoj vodi potrebno najmanje 10 dana do tečenja do vodozahvata (u skladu sa članom 7. stav 8. Pravilnika).
- (2) Vanjska granica III zaštitne zone je određena prema položaju karstnog dijela sliva izvorišta "Izron", koji je obuhvatio prostorno rasprostranjenje trijaskih krečnjaka, kao i nekarstnog dijela sliva sa kog se površinske vode slivaju ka ponorima I zone.
- (3) Ukupna površina III zaštitne zone iznosi  $P = 20 \text{ km}^2$ . III zaštitna zona je prostorno kontinuirana sa II zaštitnom zonom, a iz njenog obuhvata su isključene I zaštitne zonesljedećih ponora: "Ponor iza Pavlove pećine" (tabela 5), "Atom Tajašnica" (tabela 6), "Ponor kod Brvnare" (tabela 7), "Mala Jama iznad Brvnare" (tabela 8), "Ponor Novara" (tabela 9), "Ljuti ponor" (tabela 10), "Ponor ispod Pavlove pećine" (tabela 11), "Betonirani ponor" (tabela 12), "Ponor J.F.-Tajašnica" (tabela 13), "Ponor 1" (tabela 14), "Ponor 2" (tabela 15), "Ponor 3" (tabela 16), "Ponor 4" (tabela 17).
- (4) III zaštitna zona izvorišta "Izron" predstavlja zonu sa umjerenim zabranama i ograničenjima, što je propisano ovom Odlukom.
- (5) Zemljište III zaštitne zone kraškog izvorišta "Izron" se nalazi na parcelama u KO Mitrovići (k.č. br. 857, 858, 1040/6, 1040/7, 1040/8, 1040/9, 1040/11, 1040/12, 1040/13, 1040/14, 1058, 1059, 1060, 1061, 1062, 1063/1, 1063/2, 1065/1, 1065/2, 1065/3, 1065/4, 1065/5, 1079, 1082, 1083, 1098, 1099 i dio k.č. br. 859, 860, 1040/1, 1040/5, 1052, 1054, 1055, 1064, 1106), KO Priluk (dio k.č. br. 1421/1) i KO Kamenica (dio k.č. br. 235, 236, 237, 270/1, 282 i 283), grad Zavidovići.
- (6) Situacioni prikaz III zaštitne zone je dat na topografskoj karti 1:25.000 (prilog 5 Elaborata o zaštiti).

#### Član 10.

(Granice IV zaštitne zone izvorišta „Izron“)

- (1) Područje IV zaštitne zone izvorišta „Izron“ obuhvata prostor od vanjske granice III zaštitne zone do hidrogeološke granice sliva izvorišta (u skladu sa članom 7. stav 10. Pravilnika).
- (2) Hidrogeološka granica sliva izvorišta je pretpostavljena na osnovu dodatnih istražnih radova opisanih u Elaboratu o zaštiti, i poklapa se sa topografskom granicom sliva rijeke Suhe. Zbog toga, IV zaštitna zona je obuhvatila nekarstni dio sliva vrela "Izron" u gornjem toku rijeke Suhe do njene vododijelnice. Prostorno se nastavlja na III zonu zaštite izvorišta.
- (3) Ukupna površina IV zaštitne zone iznosi  $P = 16 \text{ km}^2$ . IV zaštitna zona je prostorno kontinuirana sa III zaštitnom zonom i utvrđena je do granice lokalnih samouprava (grada Zavidovići i općine Kakanj).
- (4) IV zaštitna zona izvorišta "Izron" predstavlja zonu sa preventivnim zabranama i ograničenjima, što je propisano ovom Odlukom.
- (5) Zemljište IV zaštitne zone kraškog izvorišta "Izron" se nalazi na parcelama u KO Mitrovići (dio k.č. br. 1040, 1040/1, 1052, 1055, 1106) i KO Kamenica (k.č. br. 238, 239/1,

239/2, 240, 241, 242, 243, 244, 256, 257,258, 259, 260, 261, 263, 264, 266, 267/1, 267/2, 268, 269, 270/2, 271 i dio k.č. br. 235, 270/1, 282, 283), Grad Zavidovići.

(6) Situacioni prikaz IV zaštitne zone je dat na topografskoj karti 1:25.000 (prilog 5 Elaborata o zaštiti).

#### IV DIO ZAŠTITNE MJERE

##### Član 11.

(Zaštitne mjere za područje obuhvaćeno I zaštitnom zonom)

Aktivnosti na provođenju mjera zaštite u I zaštitnoj zoni izvorišta „Izron“ i vodozahvata „Tajašnica“ provoditi će JKP „Radnik“ d.o.o. Zavidovići.

##### Član 12.

(Objekti koji se mogu graditi)

Na području I zaštitne zone nalaze se vodozahvatni objekti ali mogu se, uz primjenu potrebnih mjera zaštite, nalaziti i drugi vodni objekti, kaptažne građevine, rezervoari, pumpne stanice, prilazni i unutrašnji putevi i drugi objekti koji su neophodni za rad sistema vodosnabdijevanja.

##### Član 13.

(Zaštita, pristup i obilježavanje)

(1) Područje prve zaštitne zone izvorišta mora biti zaštićeno od neovlaštenog pristupa čvrstom i sigurnom ogradom visine ne manje od 2 metra, kao i drugim mjerama fizičke zaštite i osiguranja.

(2) Pristup području prve zaštitne zone dozvoljen je samo ovlaštenim osobama što uključuje zaposlenike JKP „Radnik“ d.o.o. Zavidovići i nadležnim inspekcijskim organima za vrijeme vršenja kontrole, kao i drugim licima uz posebnu dozvolu i evidenciju JKP „Radnik“ d.o.o. Zavidovići.

(3) Sva lica iz prethodnog stava ovog člana moraju posjedovati odgovarajuću propusnicu kako bi mogla pristupiti prostoru I zaštitne zone. Vrste propusnice i uslovi njihovog izdavanja utvrđuju se općim aktima JKP „Radnik“ d.o.o. Zavidovići.

(4) Lica koja stalno ili povremeno rade na objektima vodozahvata unutar I zaštitne zone moraju biti podvrgnuta periodičnim liječničkim pregledima, u skladu sa odgovarajućim propisima o sanitarnoj zaštiti.

(5) JKP „Radnik“ d.o.o. Zavidovići dužno je na odgovarajući način obilježiti I zaštitnu zonu, što naročito uključuje naziv izvorišta i zaštitne zone, naziv preduzeća, broj dežurnog telefona za hitne slučajeve i istaći upozorenje o zabrani neovlaštenog pristupa.

##### Član 14.

(Provođenje mjera zaštite)

(1) ) JKP „Radnik“ d.o.o. Zavidovići dužno je održavati postavljenu ogradu u ispravnom stanju i provoditi obezbjeđenje prve zaštitne zone i objekata u njoj.

(2) Na području prve zaštitne zone, zabranjuju se sve aktivnosti koje nisu u direktnoj vezi sa normalnim radom i održavanjem izvorišta. Aktivnosti koje se sprovode u cilju normalnog rada i održavanja vodozahvata, bunara i pijezometara ne smiju štetno djelovati na izvorište.

Grad Zavidovići, Ulica Safvet-bega Bašagića broj 9, 72220 Zavidovići

Telefon: 032/206-780 info, fax: 032/206-706, [www.zavidovici.ba](http://www.zavidovici.ba), [opcina.zavidovici@zavidovici.ba](mailto:opcina.zavidovici@zavidovici.ba), [opzdici@bih.net.ba](mailto:opzdici@bih.net.ba).

(3) U granicama I zaštitne zone se u skladu sa članom 10. stav (3) Pravilnika zabranjuju slijedeće aktivnosti:

- Izgradnja novih urbanih naselja;
- Proširenje postojećih urbanih naselja;
- Individualna stambena izgradnja uz korištenje samostalnih sistema za tretman otpadnih voda (npr. septičke jame);
- Održavanje postojećih građevinskih objekata bez promjene namjene;
- Izvođenje ili obavljanje bilo kakvih aktivnosti koje izazivaju i/ili pospješuju eroziju tla;
- Iskopi u vodonosnom sloju;
- Vađenje materijala iz vodotoka;
- Izgradnja i rad kamenoloma i drugih pozajmišta materijala;
- Minerski i drugi građevinski radovi koji nisu u funkciji vodosnadbjevanja, a koji mogu poremetiti kompoziciju vodonosnih slojeva;
- Izvođenje istražnih radova za naftu, mineralne sirovine, zemni plin kao i druge materijale koje mogu ugroziti kvalitet vode na izvorištu;
- izgradnja i rad transformatorske stanice;
- izgradnja i rad manevarskih i vojnih poligona;
- Izgradnja novih, korištenje ili proširenje postojećih groblja;
- Ispuštanje nepročišćenih urbanih otpadnih voda;
- Izgradnja i rad postrojenja za tretman urbanih otpadnih voda;
- Odlaganje bilo kakvog čvrstog, građevinskog, komunalnog i drugog otpada;
- Izgradnja i rad sanitarnih deponija;
- Izgradnja i rad postrojenja za tretman mulja u sastavu postrojenja za tretman otpadnih voda;
- Izgradnja i rad postrojenja za tretman životinjskog otpada;
- Podzemna eksploatacija mineralnih sirovina, izgradnja i rad objekata za deponovanje, mljevenje i preradu sirovina i jalovine;
- Površinska eksploatacija mineralnih sirovina, izgradnja i rad objekata za deponovanje, mljevenje i preradu sirovina i jalovine;
- Izvođenje istražnih i eksploatacionih bušotina za naftu i zemni gas;
- Izvođenje istražnih radova i eksploatacija radioaktivnih tvari;
- Pogoni metalne industrije;
- Rafinerije;
- Pogoni hemijske industrije;
- Pogoni gumarske industrije;
- Pogoni industrije papira i celuloze;
- Pogoni kožarske industrije;
- Pogoni prehrambene industrije;
- Gasne elektrane;
- Termo elektrane;
- Nuklearne elektrane;
- Skladištenje industrijskih sirovina i hemikalija opasnih za vodu;
- Skladištenje i deponovanje radioaktivnih tvari i otpada;
- Skladištenje i deponovanje šljake i pepela;
- Deponije industrijskog otpada opasnog za kvalitete vode na izvorištu;
- Deponije industrijskog otpada bezopasnog za kvalitet vode na izvorištu;



- Izgradnja i rad industrijskih kanalizacionih sistema;
  - Izgradnja i rad postrojenja za tretman industrijskih otpadnih voda;
  - Ispuštanje ili akumuliranje neprečišćenih industrijskih otpadnih i rashladnih voda;
  - Izgradnja autocesta i cesta rezervisanih za motorni saobraćaj;
  - Izgradnja urbanih prometnica i pripadajućih objekata (parkirališta, mostova, tunela...);
  - izgradnja depoa za teška vozila;
  - Izgradnja i rad autobusnih stanica i terminala;
  - Izgradnja željezničkih pruga, ranžiranih stanica i terminala;
  - Izgradnja i rad aerodroma ili poletno-sletnih staza za korištenje u zračnom saobraćaju;
  - Izgradnja i rad cjevovoda za transport tekućina opasnih za kvalitet vode;
  - Cestovni transport hemikalija, tečnih goriva i drugih opasnih materija;
  - Nadzemni ili podzemni spremnici;
  - Pretakališta;
  - Benzinske stanice uz prometnicu;
  - Skladištenje ograničenih količina lož ulja ili pogonskog goriva za poljoprivredne strojeve za potrebe individualnih domaćinstava;
  - Intenzivna stočarska i peradarska proizvodnja;
  - Stočarska i peradarska proizvodnja za vlastite potrebe pojedinačnih domaćinstava;
  - Deponovanje čvrstog ili tečnog stajnjaka za pojedinačna domaćinstva;
  - Intezivna ispaša stoke;
  - Napajanje stoke iz površinskih vodotoka;
  - Skladištenje đubriva i pesticida;
  - Poljoprivredna proizvodnja praćena intezivnim korištenjem vještačkih đubriva, stajnjaka, pesticida, herbicida i insekticida;
  - Navodnjavanje prečišćenim otpadnim vodama;
  - Poljoprivredna proizvodnja zdrave hrane bez korištenja vještačkih đubriva, stajnjaka, pesticida, herbicida i insekticida;
  - Nekontrolisana sječa i krčenje šume;
  - Izgradnja i rad sportsko-rekreacionih i banjsko-lječilišnih objekata;
  - Kampovanje ili drugi vid organizovanog okupljanja u prirodi;
  - Izgradnja i rad otvorenih sportskih terena;
  - Izgradnja i rad igrališta za golf;
  - Izgradnja i rad skijališta;
  - Turističke aktivnosti (splavarenje, rafting...);
  - Rekreacioni i sportski ribolov;
  - Korištenje lovnih sredstava sa motorima sa unutrašnjim sagorjevanjem;
- (4) U granicama I zaštitne zone se u skladu sa članom 10. stav 3 Pravilnika dopuštaju uz standardne mjere zaštite slijedeće aktivnosti:
- Izgradnja kanalizacije i drugih infrastrukturnih instalacija koje omogućuju redovno funkcionisanje objekata vodozahvatnog područja;
  - Prirodni uzgoj trave bez upotrebe đubriva i drugih agrotehničkih sredstava.
- (5) U granicama I zaštitne zone se u skladu sa članom 10. stav 3 Pravilnika dopuštaju uz standardne i dodatne mjere zaštite slijedeće aktivnosti:
- Kontrolisana sanitarna sječa (korištenjem animale), te krčenje šume i rastinja.

#### Član 15.

(Zaštitne mjere za područje obuhvaćeno II zaštitnom zonom)

(1) U granicama II zaštitne zone se zabranjuju slijedeće aktivnosti:

- Izgradnja novih urbanih naselja;
- Izvođenje ili obavljanje bilo kakvih aktivnosti koje izazivaju i/ili pospješuju eroziju tla;
- Iskopi u vodonosnom sloju;
- Vađenje materijala iz vodotoka;
- Izgradnja i rad kamenoloma i drugih pozajmišta materijala;
- Minerski i drugi građevinski radovi koji nisu u funkciji vodosnadbjevanja, a koji mogu poremetiti kompoziciju vodonosnih slojeva;
- Izvođenje istražnih radova za naftu, mineralne sirovine, zemni plin kao i druge materijale koje mogu ugroziti kvalitet vode na izvorištu;
- izgradnja i rad transformatorske stanice;
- izgradnja i rad manevarskih i vojnih poligona;
- Izgradnja novih, korištenje ili proširenje postojećih groblja;
- Ispuštanje nepročišćenih urbanih otpadnih voda;
- Izgradnja i rad postrojenja za tretman urbanih otpadnih voda;
- Odlaganje bilo kakvog čvrstog, građevinskog, komunalnog i drugog otpada;
- Izgradnja i rad sanitarnih deponija;
- Izgradnja i rad postrojenja za tretman mulja u sastavu postrojenja za tretman otpadnih voda;
- Izgradnja i rad postrojenja za tretman životinjskog otpada;
- Podzemna eksploatacija mineralnih sirovina, izgradnja i rad objekata zadržavanja, mljevenje i preradu sirovina i jalovine;
- Površinska eksploatacija mineralnih sirovina, izgradnja i rad objekata za deponovanje, mljevenje i preradu sirovina i jalovine;
- Izvođenje istražnih i eksploatacionih bušotina za naftu i zemni gas;
- Izvođenje istražnih radova i eksploatacija radioaktivnih tvari;
- Pogoni metalne industrije;
- Rafinerije;
- Pogoni hemijske industrije;
- Pogoni gumarske industrije;
- Pogoni industrije papira i celuloze ;
- Pogoni kožarske industrije;
- Pogoni prehrambene industrije;
- Gasne elektrane;
- Termo elektrane;
- Nuklearne elektrane;
- Skladištenje industrijskih sirovina i hemikalija opasnih za vodu;
- Skladištenje i deponovanje radioaktivnih tvari i otpada;
- Skladištenje i deponovanje šljake i pepela;
- Deponije industrijskog otpada opasnog za kvalitete vode na izvorištu;
- Deponije industrijskog otpada bezopasnog za kvalitet vode na izvorištu;
- Izgradnja i rad industrijskih kanalizacionih sistema;
- Izgradnja i rad postrojenja za tretman industrijskih otpadnih voda;
- Ispuštanje ili akumuliranje neprečišćenih industrijskih otpadnih i rashladnih voda;
- Izgradnja autocesta i cesta rezervisanih za motorni saobraćaj;
- izgradnja depoa za teška vozila;



- Izgradnja i rad autobusnih stanica i terminala;
- Izgradnja željezničkih pruga, ranžiranih stanica i terminala;
- Izgradnja i rad aerodroma ili poletno-sletnih staza za korištenje u zračnom saobraćaju;
- Izgradnja i rad cjevovoda za transport tekućina opasnih za kvalitet vode;
- Cestovni transport hemikalija, tečnih goriva i drugih opasnih materija;
- Nadzemni ili podzemni spremnici ;
- Pretakališta;
- Benzinske stanice uz prometnicu;
- Intenzivna stočarska i peradarska proizvodnja;
- Deponovanje čvrstog ili tečnog stajnjaka za pojedinačna domaćinstva;
- Intezivna ispaša stoke;
- Skladištenje đubriva i pesticida;
- Poljoprivredna proizvodnja praćena intezivnim korištenjem vještačkih đubriva, stajnjaka, pesticida, herbicida i insekticida;
- Navodnjavanje prečišćenim otpadnim vodama;
- Nekontrolisana sječa i krčenje šume;
- Izgradnja i rad igrališta za golf;
- Korištenje lovnih sredstava sa motorima sa unutrašnjim sagorijevanjem.

(2) U granicama II zaštitne zone se dopuštaju uz standardne mjere zaštite slijedeće aktivnosti:

- Izgradnja kanalizacije i drugih infrastrukturnih instalacija koje omogućuju redovno funkcionisanje objekata vodozahvatnog područja;
- Poljoprivredna proizvodnja zdrave hrane bez korištenja vještačkih đubriva, stajnjaka, pesticida, herbicida i insekticida;
- Prirodni uzgoj trave bez upotrebe đubriva i drugih agrotehničkih sredstava;
- Kontrolisana sječa i krčenje šume, što podrazumijeva sanitarnu sječu, uz izvlačenje drvene mase korištenjem animale. Izvlačenje drvene mase vlakama predisponira jaružanje i eroziju, te zamućenje voda na izvorištima, pa je zabranjeno;
- Turističke aktivnosti (splavarenje, rafting...);
- Rekreacioni i sportski ribolov.

(3) U granicama II zaštitne zone se dopuštaju uz standardne i dodatne mjere zaštite slijedeće aktivnosti:

- Proširenje postojećih urbanih naselja;
- Individualna stambena izgradnja uz korištenje samostalnih sistema zatretman otpadnih voda (npr. septičke jame) ;
- Održavanje postojećih građevinskih objekata bez promjene namjene;
- Izgradnja urbanih prometnica i pripadajućih objekata (parkirališta, mostova, tunela...);
- Skladištenje ograničenih količina lož ulja ili pogonskog goriva za poljoprivredne strojeve za potrebe individualnih domaćinstava;
- Stočarska i peradarska proizvodnja za vlastite potrebe pojedinačnih domaćinstava;
- Napajanje stoke iz površinskih vodotoka;
- Izgradnja i rad sportsko-rekreacionih i banjsko-lječilišnih objekata;
- Kampovanje ili drugi vid organizovanog okupljanja u prirodi;
- Izgradnja i rad otvorenih sportskih terena;
- Izgradnja i rad skijališta.

(4) Operator vodovodnog sistema mora na odgovarajući način obilježiti drugu zaštitnu zonu.

## Član 16.

(Zaštitne mjere za područje obuhvaćeno III zaštitnom zonom)

(1) U granicama III zaštitne zone se zabranjuju slijedeće aktivnosti:

- Iskopi u vodonosnom sloju;
- Izgradnja i rad kamenoloma i drugih pozajmišta materijala;
- Minerski i drugi građevinski radovi koji nisu u funkcijivodosnadbjevanja, a koji mogu poremetiti kompoziciju vodonosnih slojeva;
- Manevarski vojni poligoni;
- Ispuštanje nepročišćenih urbanih otpadnih voda;
- Odlaganje bilo kakvog čvrstog, građevinskog, komunalnog i drugog otpada;
- Izgradnja i rad sanitarnih deponija;
- Izvođenje istražnih i eksploatacionih bušotina za naftu i zemni gas;
- Izvođenje istražnih radova i eksploatacija radioaktivnih tvari;
- Izvođenje istražnih radova za naftu, mineralne sirovine, zemni plin kao i druge materijale koje mogu ugroziti kvalitet vode na izvorištu;
- Rafinerije;
- Pogoni hemijske industrije;
- Nuklearne elektrane;
- Skladištenje industrijskih sirovina i hemikalija opasnih za vodu;
- Skladištenje i deponovanje radioaktivnih tvari i otpada;
- Deponije industrijskog otpada opasnog za kvalitete vode na izvorištu;
- Ispuštanje ili akumuliranje neprečišćenih industrijskih otpadnih i rashladnih voda;
- izgradnja depoa za teška vozila;
- Izgradnja i rad aerodroma ili poletno-sletnih staza za korištenje u zračnom saobraćaju;
- Izgradnja i rad cjevovoda za transport tekućina opasnih za kvalitet vode;
- Nadzemni ili podzemni spremnici;
- Pretakališta;
- Skladištenje đubriva i pesticida;
- Poljoprivredna proizvodnja praćena intezivnim korištenjem vještačkih đubriva, stajnjaka, pesticida, herbicida i insekticida;
- Navodnjavanje prečišćenim otpadnim vodama;
- Nekontrolisana sječa i krčenje šume.

(2) U granicama III zaštitne zone se dopuštaju uz standardne i dodatne mjere zaštite slijedeće aktivnosti:

- Izgradnja novih urbanih naselja;
- Proširenje postojećih urbanih naselja;
- Individualna stambena izgradnja uz korištenje samostalnih sistema za tretman otpadnih voda(npr. septičke jame) ;
- Izvođenje ili obavljanje bilo kakvih aktivnosti koje izazivaju i/ili pospješuju eroziju tla. Izuzetak je izvlačenje šume preko vlaka kojima se predisponeira erozija, a što višestruko povećava mutnoću vode na izvorištima, te se zabranjuje;
- Iskopi u vodonosnom sloju;
- Vađenje materijala iz vodotoka;

- Izvođenje istražnih radova za naftu, mineralne sirovine, zemni plin kao i druge materijale koje mogu ugroziti kvalitet vode na izvorištu;
- Transformatorske stanice;
- Izgradnja novih, korištenje ili proširenje postojećih groblja;
- Izgradnja i rad postrojenja za tretman urbanih otpadnih voda;
- Izgradnja i rad postrojenja za tretman mulja u sastavu postrojenja za tretman otpadnih voda;
- Izgradnja i rad postrojenja za tretman životinjskog otpada;
- Podzemna eksploatacija mineralnih sirovina, izgradnja i rad objekata za deponovanje, mljevenje i preradu sirovina i jalovine;
- Površinska eksploatacija mineralnih sirovina, izgradnja i rad objekata za deponovanje, mljevenje i preradu sirovina i jalovine;
- Pogoni metalne industrije;
- Pogoni gumarske industrije;
- Pogoni industrije papira i celuloze;
- Pogoni kožarske industrije;
- Pogoni prehrambene industrije;
- Gasne elektrane;
- Termo elektrane;
- Skladištenje i deponovanje šljake i pepela;
- Izgradnja i rad industrijskih kanalizacionih sistema;
- Izgradnja i rad postrojenja za tretman industrijskih otpadnih voda;
- Izgradnja autocesta i cesta rezervisanih za motorni saobraćaj;
- Izgradnja urbanih prometnica i pripadajućih objekata (parkirališta, mostova, tunela....);
- Izgradnja i rad autobusnih stanica i terminala;
- Izgradnja željezničkih pruga, ranžiranih stanica i terminala;
- Skladištenje ograničenih količina lož ulja ili pogonskog goriva za poljoprivredne strojeve za potrebe individualnih domaćinstava;
- Cestovni transport hemikalija, tečnih goriva i drugih opasnih materija;
- Benzinske stanice uz prometnicu;
- Intenzivna stočarska i peradarska proizvodnja;
- Deponovanje čvrstog ili tečnog stajnjaka za pojedinačna domaćinstva;
- Intenzivna ispaša stoke;
- Stočarska i peradarska proizvodnja za vlastite potrebe pojedinačnih domaćinstava;
- Napajanje stoke iz površinskih vodotoka;
- Izgradnja i rad sportsko-rekreativnih i banjsko-lječilišnih objekata;
- Kampovanje ili drugi vid organizovanog okupljanja u prirodi;
- Izgradnja i rad otvorenih sportskih terena;
- Izgradnja i rad skijališta;
- Korištenje lovnih sredstava sa motorima sa unutrašnjim sagorijevanjem.

(3) U granicama III zaštitne zone se dopuštaju uz standardne mjere zaštite slijedeće aktivnosti:

- Održavanje postojećih građevinskih objekata bez promjene namjene;
- Poljoprivredna proizvodnja zdrave hrane bez korištenja vještačkih đubriva, stajnjaka, pesticida, herbicida i insekticida;

- Prirodni uzgoj trave bez upotrebe đubriva i drugih agrotehničkih sredstava;
  - Kontrolisana sječa i krčenje šume, što podrazumijeva sanitarnu sječu, uz izvlačenje drvene mase korištenjem animale. Izvlačenje drvene mase vlakama predisponira jaružanje i eroziju, te zamućenje voda na izvorištima, pa je zabranjeno;
  - Turističke aktivnosti (splavarenje, rafting...);
  - Rekreativni i sportski ribolov.
- (4) JKP „Radnik“ d.o.o. Zavidovići, mora na odgovarajući način obilježiti treću zaštitnu zonu.

#### Član 17.

(Zaštitne mjere za područje obuhvaćeno IV zaštitnom zonom)

(1) U granicama IV zaštitne zone se zabranjuju slijedeće aktivnosti:

- Ispuštanje nepročišćenih urbanih otpadnih voda;
- Skladištenje i deponovanje radioaktivnih tvari i otpada;
- Ispuštanje ili akumuliranje neprečišćenih industrijskih otpadnih i rashladnih voda;
- Nekontrolisana sječa i krčenje šume;

(2) U granicama IV zaštitne zone se dopuštaju uz standardne i dodatne mjere zaštite slijedeće aktivnosti:

- Izvođenje ili obavljanje bilo kakvih aktivnosti koje izazivaju i/ili pospješuju eroziju tla. Izuzetak je izvlačenje šume preko vlaka kojima se predisponira erozija, a što višestruko povećava mutnoću vode na izvorištima, te se zabranjuje;
- Iskopi u vodonosnom sloju;
- Vađenje materijala iz vodotoka;
- Izgradnja i rad kamenoloma i drugih pozajmišta materijala;
- Minerski i drugi građevinski radovi koji nisu u funkciji vodosnadbjevanja, a koji mogu poremetiti kompoziciju vodonosnih slojeva;
- Manevarski vojni poligoni;
- Transformatorske stanice;
- Izgradnja i rad sanitarnih deponija;
- Podzemna eksploatacija mineralnih sirovina, izgradnja i rad objekata za deponovanje, mljevenje i preradu sirovina i jalovine;
- Površinska eksploatacija mineralnih sirovina, izgradnja i rad objekata za deponovanje, mljevenje i preradu sirovina i jalovine;
- Izvođenje istražnih i eksploatacionih bušotina za naftu i zemni gas;
- Pogoni metalne industrije;
- Pogoni gumarske industrije;
- Pogoni industrije papira i celuloze ;
- Pogoni kožarske industrije;
- Pogoni prehrambene industrije;
- Rafinerije;
- Pogoni hemijske industrije;
- Nuklearne elektrane;
- Gasne elektrane;
- Termo elektrane;
- Skladištenje industrijskih sirovina i hemikalija opasnih za vodu;
- Deponije industrijskog otpada opasnog za kvalitete vode na izvorištu;

Grad Zavidovići, Ulica Safvet-bega Bašagića broj 9, 72220 Zavidovići

Telefon: 032/206-780 info, fax: 032/206-706, [www.zavidovici.ba](http://www.zavidovici.ba), [opcina.zavidovici@zavidovici.ba](mailto:opcina.zavidovici@zavidovici.ba), [opzdici@bih.net.ba](mailto:opzdici@bih.net.ba).

- izgradnja depoa za teška vozila;
- Izgradnja i rad aerodroma ili poletno-sletnih staza za korištenje u zračnom saobraćaju;
- Izgradnja i rad autobusnih stanica i terminala;
- Izgradnja željezničkih pruga, ranžiranih stanica i terminala;
- Cestovni transport hemikalija, tečnih goriva i drugih opasnih materija;
- Izgradnja i rad cjevovoda za transport tekućina opasnih za kvalitet vode;
- Nadzemni ili podzemni spremnici;
- Pretakališta;
- Benzinske stanice uz prometnicu;
- Skladištenje đubriva i pesticida;
- Poljoprivredna proizvodnja praćena intezivnim korištenjem vještačkih đubriva, stajnjaka, pesticida, herbicida i insekticida;
- Navodnjavanje prečišćenim otpadnim vodama.

(3) U granicama IV zaštitne zone se dopuštaju uz standardne mjere zaštite slijedeće aktivnosti:

- Izgradnja novih urbanih naselja;
- Proširenje postojećih urbanih naselja;
- Individualna stambena izgradnja uz korištenje samostalnih sistema za tretman otpadnih voda (npr. septičke jame);
- Održavanje postojećih građevinskih objekata bez promjene namjene;
- Izgradnja novih, korištenje ili proširenje postojećih groblja;
- Izgradnja i rad postrojenja za tretman mulja u sastavu postrojenja za tretman otpadnih voda;
- Izgradnja i rad postrojenja za tretman urbanih otpadnih voda;
- Izgradnja i rad postrojenja za tretman životinjskog otpada;
- Deponije industrijskog otpada bezopasnog za kvalitet vode na izvorištu;
- Skladištenje i deponovanje šljake i pepela;
- Izgradnja i rad industrijskih kanalizacionih sistema;
- Izgradnja i rad postrojenja za tretman industrijskih otpadnih voda;
- Izgradnja autocesta i cesta rezervisanih za motorni saobraćaj;
- Izgradnja urbanih prometnica i pripadajućih objekata (parkirališta, mostova, tunela...);
- Skladištenje ograničenih količina lož ulja ili pogonskog goriva za poljoprivredne strojeve za potrebe individualnih domaćinstava;
- Intenzivna stočarska i peradarska proizvodnja;
- Deponovanje čvrstog ili tečnog stajnjaka za pojedinačna domaćinstva;
- Intezivna ispaša stoke;
- Stočarska i peradarska proizvodnja za vlastite potrebe pojedinačnih domaćinstava;
- Napajanje stoke iz površinskih vodotoka;
- Poljoprivredna proizvodnja zdrave hrane bez korištenja vještačkih đubriva, stajnjaka, pesticida, herbicida i insekticida;
- Prirodni uzgoj trave bez upotrebe đubriva i drugih agrotehničkih sredstava;
- Kontrolisana sječa i krčenje šume, što podrazumijeva sanitarnu sječicu, uz izvlačenje drvne mase korištenjem animale. Izvlačenje drvne mase vlakama predisponira jaružanje i eroziju, te zamućenje voda na izvorištima, pa je zabranjeno;
- Izgradnja i rad sportsko-rekreativnih i banjsko-lječilišnih objekata;

- Kampovanje ili drugi vid organizovanog okupljanja u prirodi;
- Izgradnja i rad otvorenih sportskih terena;
- Izgradnja i rad skijališta;
- Izgradnja i rad igrališta za golf;
- Korištenje lovnih sredstava sa motorima sa unutrašnjim sagorjevanjem;
- Turističke aktivnosti (splavarenje, rafting...).

(4) JKP „RADNIK“ d.o.o. Zavidovići mora na odgovarajući način obilježiti četvrtu zaštitnu zonu.

#### Član 18. (Monitoring)

Monitoring kvantiteta i kvaliteta površinskih voda unutar zona sanitarne zaštite izvorišta „Izron“ i vodozahvat „Tajašnica“ provoditi će Agencija za vode zadužena za provedbu monitoringa.

#### V. IZVORI I NAČIN FINASIRANJA

##### Član 19. (Finansiranje provođenja mjera zaštite)

Finansiranje provođenja mjera zaštite u prvoj zaštitnoj zoni izvorišta „Izron“ i „Tajašnica“ vršiće JKP „Radnik“ d.o.o. Zavidovići, u saradnji sa Gradom Zavidovići.

#### VI. NADZOR NAD PROVOĐENJEM ODLUKE

##### Član 20. (Nadzor)

(1) Nadzor nad provođenjem ove Odluke vrši Služba za upravu poljoprivrede, vodoprivrede i komunalnih poslova Grada Zavidovići.

(2) Inspeksijski nadzor nad provođenjem ove Odluke odnosno nad provođenjem režima i mjera zaštite propisanih ovom Odlukom vrše federalni, kantonalni i inspeksijski organi Grada Zavidovići, u skladu sa važećim zakonskim propisima.

#### VII. KAZNENE ODREDBE

##### Član 21.

Novčanom kaznom od 1.000 do 5.000 KM kaznit će se za prekršaj pravno lice:

1. ako vrši izvođenje radova, izgradnju ili rekonstrukciju objekata ili obavlja aktivnosti protivno zaštitnim mjerama propisanim ovom Odlukom,
2. ako ne postupi u skladu sa članovima: 13., 14., 15. i 16. ove Odluke.



Za prekršaj iz stava 1. ovog člana kaznit će se i odgovorno lice u pravnom licu novčanom kaznom u iznosu od 100 do 1.000 KM.

Novčanom kaznom od 5.000 do 50.000 KM kazniće se za prekršaj pravno lice ako ne provodi odluku o zaštiti izvorišta iz člana 204. stav 1. tačka 10. Federalnog Zakona o vodama («Službene novine FBiH», broj 70/06).

#### Član 22.

Novčanom kaznom od 2.000 do 20.000 KM kazniće se za prekršaj pravno lice ako se ne pridržava odredbi člana 205. Federalnog Zakona o vodama («Službene novine FBiH», broj 70/06).

#### Član 23.

Novčanom kaznom od 100 do 2000 KM kazniće se za prekršaj fizičko lice ako se ne pridržava odredbi člana 206. Federalnog Zakona o vodama («Službene novine FBiH», broj 70/06).

### VIII. PRELAZNE I ZAVRŠNE ODREDBE

#### Član 24.

(Uređenje prve zaštitne zone)

(1) Na području prve zaštitne zone izvorišta „Izron“ i vodozahvata „Tajašnica“ izvršit će se uređenje prostora i provođenje zaštitnih mjera u skladu sa ovom Odlukom i Elaboratom zaštite u roku od šest mjeseci od dana stupanja na snagu ove Odluke.

(2) JKP „Radnik“ d.o.o Zavidovići je dužno izvršiti radnje iz članova 11. i 13. ove Odluke u roku od 6 mjeseci od dana stupanja na snagu ove Odluke.

#### Član 25.

(Obaveza pridržavanja odredbi)

JKP „Radnik“ d.o.o. Zavidovići i druga pravna, fizička lica dužni su pridržavati se odredaba ove Odluke i primjenjivati ovom Odlukom propisane mjere za zaštitu izvorišta „Izron“ i vodozahvat „Tajašnica“.

#### Član 26.

(Elaborat)

Sastavni dio ove Odluke je Elaborat o zaštiti izvorišta vode za piće "Izron" i "Tajašnica", grad Zavidovići broj: ZZV-EZ-EL-1015 od aprila 2024. godine.

#### Član 27.

(Baza podataka)

Zadužuje se Služba za upravu geodetskih, imovinsko- pravnih poslova i urbanizam Grada Zavidovići da usvojene granice zona sanitarne zaštite unese u svoju bazu podataka radi

Grad Zavidovići, Ulica Safvet-bega Bašagića broj 9, 72220 Zavidovići  
Telefon: 032/206-780 info, fax: 032/206-706, [www.zavidovici.ba.opcina.zavidovici@zavidovici.ba.opzdici@bih.net.ba](mailto:www.zavidovici.ba.opcina.zavidovici@zavidovici.ba.opzdici@bih.net.ba).



adekvatnog upravljanja prostorom. U slučaju spora, referentan je grafički prilog zona sanitarne zaštite koji je sastavni dio Elaborata o zaštiti, odnosno GIS baza podataka vezana za granice zona sanitarne zaštite.

**Član 28.**  
(Prestanak važenja Odluke)

Danom stupanja na snagu ove Odluke prestaje važiti Odluka o zaštiti izvorišta vode za piće vrela „Izron“ Suha, Skupštine opštine Zavidovići broj:01-023-66 od 12.07.1982. godine.

**Član 29.**  
(Stupanje na snagu)

Ova Odluka stupa na snagu osmog dana od dana objavljivanja u „Službenom glasniku Grada Zavidovići“.

**PREDSJEDAVAJUĆI  
GRADSKOG VIJEĆA**

Admir Fojnica, prof.

## OBRAZLOŽENJE

### USTAVNOPRAVNI I ZAKONSKI OSNOV ZA UVOĐENJE ODLUKE

U članu 68. stav 1. i 2. Zakona o vodama („Službene novine Federacije BiH“ broj: 70/06) propisano je da:

„(1) Zone sanitarne zaštite i zaštitne mjere utvrđuje općinski organ uprave nadležan za vode na čijem području se nalazi izvorište.

(2) Odluku o zaštiti izvorišta čije se zone sanitarne zaštite prostiru na području jednog grada ili općine donosi nadležno gradsko, odnosno općinsko vijeće.“

U članu 40. stav 1. i 2. Zakona o vodama („Službene novine Zeničko-dobojskog kantona“ broj:17/07) propisano je da:

„(1) Zone sanitarne zaštite i zaštitne mjere utvrđuje općinska služba uprave nadležna za vode (u daljem tekstu :Općinska služba) na čijem se području nalazi izvorište.

(2) Odluku o zaštiti izvorišta čije se zone sanitarne zaštite prostiru na području jedne općine donosi Općinsko vijeće.“

Odredbom člana 13. Pravilnika o načinu utvrđivanja uslova za određivanje zona sanitarne zaštite i zaštitnih mjera za izvorišta vode za javno vodosnabdijevanje stanovništva ("Službene novine Federacije BiH", br. 88/12), propisano je da:

„(Na osnovu usvojenog elaborata zaštite izvorišta nadležni organ iz člana 68. st. 2. do 5. Zakona o vodama donosi odluku o zaštiti izvorišta.

(2) Shodno odredbi člana 66. stav 4. Zakona o vodama, odluka o zaštiti izvorišta treba da sadrži:

- a) naziv nadležnog organa i pravnog lica zaduženog za provođenje odluke o zaštiti izvorišta;
- b) tačan naziv i lokaciju izvorišta;
- c) topografske karte i kopije katastarskih planova odgovarajuće razmjere sa ucrtanim granicama zaštitnih zona;
- d) detaljan opis granica zona sanitarne zaštite;
- e) sanitarne i druge uslove provođenja ljudskih aktivnosti u pojedinim zonama zaštite uz detaljan opis mjera zaštite, zabrana ili ograničenja;
- f) odredbe o vršenju nadzora nad provođenjem režima zaštite i zaštitnih mjera; g) odredbe o monitoringu kvaliteta i kvantiteta vode na izvorištu;
- h) izvore i način finansiranja provođenja zaštitnih mjera za planski period od najmanje deset (10) godina;
- i) rokove za primjenu pojedinih mjera;
- j) kaznene odredbe.“

### RAZLOZI ZA DONOŠENJE ODLUKE I OBJAŠNJENJE ODABRANE POLITIKE

Članom 66. stav (1) federalnog Zakona o utvrđeno da područje na kojem se nalazi izvorište vode koja se po količini i kvalitetu može koristiti ili se koristi za javno vodosnabdijevanje mora biti zaštićeno od zagađenja i drugih nepovoljnih uticaja koji mogu imati nepovoljne efekte na zdravstvenu ispravnost vode ili izdašnost izvorišta.

Dalje je stavom (2) istog člana utvrđeno da se na području izvorišta provodi zaštita izvorišta utvrđivanjem zona sanitarne zaštite, čija veličina, granice, sanitarni režim, mjere zaštite i drugi uslovi određuju prema propisu o načinu utvrđivanja uvjeta za određivanje zona sanitarne zaštite zaštitnih mjera iz stava 1. ovog člana.

Važeći zakonski propis o utvrđivanju zona sanitarne zaštite i zaštitnih mjera je Pravilnik o načinu utvrđivanja uslova za određivanje zona sanitarne zaštite i zaštitnih mjera za izvorišta

vode za javno vodosnabdijevanje stanovništva kojim su propisani uslovi za određivanje zona sanitarne zaštite i zaštitnih mjera izvorišta vode za javno vodosnabdijevanje stanovništva.

Zaštita izvorišta „Izron“ i „Tajašnica“ vrši se uspostavljanjem i održavanjem zone sanitarne zaštite prema lokalnim uslovima i istražnim radovima izvršenim prema Elaboratu o zaštiti izvorišta vode za piće "Izron" i "Tajašnica", kao i provođenjem zaštitnih mjera datih u ovim Elaboratima, a prema Odluci koju donosi Gradsko vijeće Zavidovići.

Pristup određivanju zone sanitarne zaštite izvršen je sagledavanjem geoloških i hidrogeoloških karakteristika šireg područja, hidrogeoloških karakteristika izvorišta, tehničkih karakteristika, kvaliteta podzemnih voda, analize mogućnosti zagađenja podzemnih voda, analize hidrogeoloških, hidrogeohemijskih i hidrotehničkih parametara i ostalih relevantnih faktora.

Utvrđivanje zona zaštite izvorišta "Izron" i „Tajašnica“ izvršeno je uzimajući u obzir geološke, strukturno-tektonske, hidrogeološke, pedološke i vegetativne karakteristike terena, vododijelničke zone, granice slivnog područja ograničenog površinskom (orografskom) vododijelnicom, uvjete i način prihranjivanja izvorišta i pravce i brzine toka podzemnih voda. Delineacija zona sanitarne zaštite je bazirana na dodatnim istraživanjima koja su provedena od septembra 2023. do marta 2024. godine na bazi projektnog zadatka, ali uvažavajući i literaturne podatke ranijih istraživanja.

Aktivnosti u zonama zaštite (potpune zabrane, dopuštene aktivnosti uz provođenje standardnih mjera zaštite i dopuštene aktivnosti uz provođenje standardnih i dodatnih mjera zaštite), odnosno nivo ograničenja njihove primjene utvrđen je u skladu sa članom 10. stav 3 Pravilnika i priloga 1 Pravilnika.

Odredbom člana 15. Pravilnika propisano da za sva izvorišta za koja je odluka o zaštiti izvorišta donesena prije stupanja na snagu ovog Pravilnika, usklađivanje sa odredbama ovog pravilnika izvršit će se u roku od pet godina od dana stupanja na snagu ovog Pravilnika.

Radi navedenog predlaže se donošenje predmetne odluke.

## USKLAĐENOST ODLUKE SA KANTONALNI I FEDERALNIM ZAKONODAVSTVOM

Ova Odluka usklađena je sa federalnim i kantonalnim Zakonom o vodama i federalnim Pravilnikom o načinu utvrđivanja uslova za određivanje zona sanitarne zaštite i zaštitnih mjera za izvorišta vode za javno vodosnabdijevanje stanovništva.

## OBRAZLOŽENJE PRAVNIH RJEŠENJA

### DIO I OPĆE ODREDBE

Članom 1. utvrđen je predmet ove Odluke.

Članom 2. utvrđeni su ciljevi za donošenje Odluke.

Članom 3. utvrđeno je eksploatacija vode iz izvorišta „Izron“ i vodozahvata „Tajašnica“.

### DIO II ZAŠTITNO PODRUČJE

Članom 4. utvrđeno je uspostavljanje zona sanitarne zaštite.

### DIO III OBUHVAT GRANICA PRVE ZAŠTITNE ZONE

Članovima: 5., 6., 7., 8., 9. i 10 utvrđene su granice zona sanitarne zaštite oba izvorišta sa pripadajućim opisima.

### DIO IV ZAŠTITNE MJERE ZA IZVORIŠTE

Članom 11. utvrđene su mjere zaštite u prvoj zaštitnoj zoni.

Članom 12. utvrđeno je koji objekti se mogu graditi u prvoj zaštitnoj zoni.

Članom 13. utvrđen način zaštite, pristupa i obilježavanja I zaštitne zone.

Članovima 14., 15., 16., 17., utvrđene su mjere zaštite u drugoj, trećoj i četvrtoj zaštitnoj zoni.

Članom 18. utvrđeno je ko vrši monitoring količine i kvaliteta vode.

#### DIO V IZVORI I NAČIN FINASIRANJA

Članom 19. utvrđen je način finansiranja provođenja mjera zaštite.

#### DIO VI NADZOR NAD PROVOĐENJEM ODLUKE

Članom 20. utvrđena je nadležnost federalne, kantonalne i gradske inspekcije u skladu sa zakonom.

#### DIO VII KAZNE NE ODREDBE

Članovima 21., 22., i 23. su utvrđene kazne za nepoštivanje odredaba odluke i Zakona.

#### DIO VIII ZAVRŠNE ODREDBE

Članom 24. utvrđene su mjere uređenja prve zaštitne zone.

Članom 25. utvrđene su obaveza pridržavanja odredbi.

Članom 26. utvrđeno je da je sastavni dio ove odluke Elaborat o zaštiti izvorišta vode za piće "Izron" i "Tajašnica", grad Zavidovići.

Članom 27. zadužena je nadležna služba za geodetske, imovinsko-pravne poslove i urbanizam da implementira granice zona sanitarne zaštite u svojim dokumentima.

Članom 28. utvrđeno je da danom stupanja na snagu ove odluke prestaje da važi stara Odluka Gradskog vijeća Zavidovići.

Članom 29. utvrđeno je stupanje na snagu Odluke i način njenog objavljivanja

#### PROVEDBENI MEHANIZMI I NAČIN OSIGURAVANJA POŠTIVANJA PRAVILA

Provođenje ove Odluke povjeren je Službi za upravu poljoprivrede, vodoprivrede i komunalnih poslova Grada Zavidovići.

Inspeksijski nadzor nad provođenjem ove Odluke odnosno nad provođenjem režima i mjera zaštite propisanih ovom Odlukom vrše federalni, kantonalni i inspeksijski organi Grada Zavidovići, u skladu sa važećim zakonskim propisima.

#### OBRAZLOŽENJE FINANSIJSKIH SREDSTAVA ZA PROVOĐENJE ODLUKE I FINANSIJSKI EFEKTI ODLUKE

Za provođenje ove Odluke potrebno je obezbijediti sredstva u Budžetu Grada Zavidovići.

#### OPIS KONSULTACIJA VOĐENIH U PROCESU IZRADE ODLUKE

Prilikom izrade ove Odluke konsultovani su navedeni propisi koji su i pravni osnov za donošenje Odluke.

GRADONAČELNIK

doc. dr. Hašim Mujanović

Obradila: \_\_\_\_\_  
(Adisa Pašić)

Kontrolisao: \_\_\_\_\_  
(Izet Bašić)